

上清瓊宮靈飛六甲錄

上清瓊宮靈飛六甲玉女六十人 諱字并左右上符 太真九都上  
皇太極四真人 受之於太上玉晨高聖道君 左右靈飛六甲符 一名  
玉精真訣 一名景中之道 一名白羽黑翮隱遊上經 靈飛六甲神道  
也 六甲之神 時乘六龍 以宴慶雲 盼看六合 迴降服符者寢房  
也 其八節日 又乘白鸞之車 駕黑翮之鳳 以宴常陽倒景 看遊  
八方之神嶽也 迴降服符者身 和合魂魄 通靈達形 三炁合香  
五藏生華 坐在立亡 役召萬魔 履鋒蹈險 萬神來和 涉山入水  
沿海步河 不劬律梁 不畏巔危 變化隱遁 招風召雷 立起雲  
雨 坐致行廚 入兵不傷 入水不濡 山神奉衛 玉女來迎 服之  
六年 六甲見軀 與人語言 授子真書 長生天地 二象同符 別  
寢勿雜 遺淫忘慾 寂心鏡形 乃可見求  
太極四真人曰 六炁順運於十天 六甲巡行於幽冥 有其符則  
隱化無方 聞其名則上補天真 行其道則飛虛駕景 佩其文則玉女  
執巾 用之六年 方諸青宮書名玉簡 行之九年 萬神奉衛 真人  
造房 行之十四年 太素三元君迎以三晨之羽節 衣以紫華之雲帔

上清瓊宮靈飛六甲錄

清微藏書閣

夕駕八景 朝登崑崙 揮虎旂以招節 吹鳳樂以唱玄 萬神扶軒  
攝風召雲 太一參轡 白日登晨  
六甲靈飛左右玉女 名字六十人 每至甲日平旦 向王方閉月  
內視 存六甲一旬之玉女 盡來羅立我前 衣服形色如上 良久畢  
乃叩齒六通 咽液六十過 畢而微咒曰

左飛右靈 八景華精 上植琳房 下秀丹瓊  
合度八紀 攝御萬萌 神通積感 六炁練清  
雲宮玉華 乘虛順生 錦帔緋裙 霞映紫房  
腰帶虎書 絡羽建青 手執神符 流金火鈴  
揮邪卻魔 保我利貞 割勒眾妖 萬惡泯平  
同遊三元 迴老反嬰 坐在立亡 侍我六丁  
猛獸衛身 從以天兵 呼吸江河 山嶽流傾  
卒致行廚 金醴玉漿 束收虎豹 叱咤幽冥  
役使鬼神 攝伏千精 所願從心 萬事克成  
分道散軀 恣意化形 上補真人 天地同生  
耳聰目鏡 徹視黃庭 六甲玉女 為我使令

咒畢 乃閉目 初存思之 當平坐 按手於膝上 勿令人見之  
見則真光不一 思慮傷散 念念存心 不德他想 當須戒之 臨  
服符 當先呼直日玉女名 畢 微咒曰

天玄地黃 太虛六炁 朝服靈精 神金虎文  
當令我真 又令我神 分散形影 封山召靈  
役使萬精 坐亡立存 高遊上清 北朝玉晨

畢 乃服符 符文真要如左符並朱書

甲子太玄玉女 名靈珠 字承翼

乙丑太玄主女 名蘭脩 字青萌

丙寅太玄玉女 名定華 字鬱陵

丁卯太玄玉女 名須臺 字馥猷



上清瓊宮靈飛六甲錄

清微藏書閣

戊辰太玄玉女 名愛浮 字眾梨

己巳太玄玉女 名四浮 字華寧

庚午太玄玉女 名會容 字流南

辛未太玄玉女 名澄華 字抱珠

壬申太玄玉女 名雙皇 字鳳文

癸酉太玄玉女 名龍嬰 字歡生



右甲子太玄宮左靈飛玉女部



玉女皂帔 紅銷服 青裙 執紅銷符

甲戌黃素玉女

名神光 字非廉

乙亥黃素玉女

名紫春 字飛芝

丙子黃素玉女

名寄風 字參盈

丁丑黃素玉女

名鳳環 字鬱娥

戊寅黃素玉女

名叔華 字上容

己卯黃素玉女

名英玄 字羽林

庚辰黃素玉女

名正齡 字香林

辛巳黃素玉女

名蔚騰 字彫羅

壬午黃素玉女

名琬御 字千成

癸未黃素玉女

名良營 字娥昌



右甲戌黃素宮左靈飛玉女部

玉女青綠黃銷帔 紅銷服 紫裙 執白符

甲申太素玉女 名真元 字瓊石

乙酉太素玉女 名蘭蕭 字玉英

丙戌太素玉女 名娥玄 字和明

丁亥太素玉女 名興房 字綠華

篆書符號

上清瓊宮靈飛六甲錄

宮靈飛六甲錄

清微藏書閣

中書監太素宮左靈飛玉女部

戊子太素玉女 名翔峰 字定暉

西風真或日

己丑太素玉女 名煙童 字偃殊

西風真或日

庚寅太素玉女 名七翰 字靈飛

辛卯太素玉女

辛卯太素玉女 名肇臺 字篇敷

壬辰太素玉女

壬辰太素玉女 名蔚金 字丹旗

癸巳太素玉女

癸巳太素玉女 名安夫 字沙風



右甲申太素宮左靈飛玉女部

玉女白帔紅銷服 紅裙 執淺紅符

上清瓊宮靈飛六甲錄

清微藏書閣

甲午絳雲玉女

甲午絳雲玉女 名丹淳 字雲齡

乙未絳雲玉女

乙未絳雲玉女 名散陽 字靈華

丙申絳雲玉女

丙申絳雲玉女 名遂精 字玄珠

丁酉絳雲玉女

丁酉絳雲玉女 名抱雲 字綠間

戊戌絳雲玉女

戊戌絳雲玉女 名房賓 字石香

己亥絳雲玉女


己亥絳雲玉女 名清嬰 字南靈

庚子絳雲玉女

庚子絳雲玉女 名靈群 字曲澄

辛丑絳雲玉女

辛丑絳雲玉女 名素姜 字啟清



壬寅絳雲玉女 名紛華 字蔚芝  
 癸卯絳雲玉女 名曜英 字西安

右甲午絳雲宮左靈飛玉女部



玉女絳帔 紅銷服 青裙 黃銷符


甲辰拜精玉女 名龍源 字靈素




乙巳拜精玉女 名歡庭 字逸臺



丙午拜精玉女 名營生 字玉生



丁未拜精玉女 名招風 字娥始




上清瓊宮靈飛六甲錄

清微藏書閣



戊申拜精玉女 名夜華 字雲嬰

己酉拜精玉女 名密明 字勝非




庚戌拜精玉女 名紫虛 字容鑲



辛亥拜精玉女 名鳳華 字綠安



壬子拜精玉女 名儀房 字上晉



癸丑拜精玉女 名寶華 字壹昭



右甲辰拜精宮右靈飛玉女部



玉女紫帔 皂緣青裙 黃銷服 淺紅符

生田式田

甲寅青要玉女 名啟元 字惠精

靈甲靈

乙卯青要玉女 名慶翔 字娥生

靈甲靈

丙辰青要玉女 名幽昌 字晨暉

靈甲靈

丁巳青要玉女 名伏華 字廣敷

靈甲靈

戊午青要玉女 名綠雲 字安昌

靈甲靈

己未青要玉女 名金聲 字曲臺

靈甲靈

庚申青要玉女 名颼遊 字雲飛

靈甲靈

辛酉青要玉女 名親賢 字高英

上清瓊

宮靈飛六甲錄

清微藏書閣

靈甲靈

壬戌青要玉女 名神珠 字貫眾

靈甲靈

癸亥青要玉女 名雲徊 字抱生

右甲寅青要宮右靈飛玉女部



玉女紫帔 皂緣紅銷服 青裙 黃銷符

太極玉精真訣上符 以甲子日始日二服 一以平旦男服 以八節

日日中又服

太極玉精真訣上符

日夜半又服 以乙丑日始日二服 一以平旦女服 以八節

日夜半又服

右二符 是靈飛六甲之符宗也 欲服符 先齋六日 乃服之

六十日 乃得服六十玉女符也 此二符招神開靈 通達萬精 長服

不廢 飛仙長生 既服六十玉女符 故當用此符也 兼修之也 男女各符 隨名而用之也 忌淹穢 經死喪之家 不得與人同狀寢臥 衣服不假借人 禁食五辛及六畜肉 又接近婦人 尤禁之甚 令人神喪魂亡 生邪失性 災及三世 死為下鬼 常須燒香於寢狀之首

太玄甲子宮玉女一部 同服上玄錦帔 下青羅飛華裙

黃素甲戌宮玉女一部 同服黃錦帔 紫羅飛羽裙

太素甲申宮玉女一部 同服白錦帔 丹羅飛華裙

甲午絳雲宮玉女一部 同服丹錦帔 青羅飛裙

右靈飛六甲玉女服色 手中並執玉精神虎符 頭並頽雲三角髻

餘髮散垂之至腰

甲辰拜精宮玉女一部 同服紫錦帔 碧羅飛華裙

甲寅青要宮玉女一部 同服紫錦帔 丹青飛裙

右靈飛六甲玉女服色 手中並執玉精金虎符 頭並頽雲三角髻

餘髮散垂之至腰

已上六十二符 乃是太極上宮四真人所受於太上大道君 一受

## 上清瓊宮靈飛六甲錄

清微藏書閣

者當須齋潔精誠 澡除五累 遣穢汙之漏塵 杜淫慾之失 正目存六精 凝思玉真 香煙散室 幽身孤房 積毫累著 和魂保中 髣髴五道神生三宮 豁爭競於常輩 守寂默以感通者 六甲之神不逾年而降見也 子能精修此道 必致登仙矣 信而奉者為靈人 不信者身沒鬼部

上清六甲靈映之道 當得至真之人 乃可傳之 既速致通降

而靈飛易發 久勤修之 坐在立亡 久視變化萬端 行廚卒至也

九嶷真人許偉遠 昔受此方於中岳宋德玄 德玄者 周王時人 服

此靈飛六甲符 得道 能一日行三千里 數變形為鳥獸 得真靈之

道 本在嵩山 偉遠久隨之 乃受得此法 行之道成 今處九嶷山

有女子郭勺藥 趙愛兒 王魯連等 並受此法而得道者 復數十

人 或遊玄洲 或處東華方諸臺 今見居之南嶽 魏夫人言 此郭

勺藥者 漢度遼將軍陽平郭騫子也 少好精誠 真人因受其六甲

趙愛兒者 幽州刺史劉虞別駕趙該姊子 好道 得尸解後 又受此

符 王魯連者 魏文帝城門校尉范陵王伯罡女也 亦學道 一旦忽

委婿李子期 李子期者 司州魏人清河王傳也 期常言此婦狂走

一旦失所在

上清六甲靈飛 遁服此真符 遊行八方 行此真書 當得其人  
按四極明科 傳上清內書者 皆列盟奉跪所誓 乃宣之 七百年  
所傳 不過六人 限足不復得泄也 其受符 皆對齋七日 跪香信  
於有經之師 白素六十尺 金環六雙 青絲六兩 以代剪髮登壇  
歃血破券之誓 以盟奉行靈符不泄之信 如違盟負信 己身甘受風  
刀之考 陷積夜之河 撻蒙山之石 以填孟津 有經之師 所得法  
信 當給與寒栖貧下 孤病老弱之輩 不得獨用 如不遵科典 三  
官檢案 死為下鬼 切宜敬之慎之矣

上清瓊宮靈飛六甲錄竟

天運壬辰年酉月正一天師清微弟子洪鼎堅羅大英恭錄彙編

上清瓊宮靈飛六甲錄

清微藏書閣